



TE RŌPŪ TAUWHIRO I AOTEAROA

HE WHAKAMĀRAMA MŌ TE TAUWHIRO TANGA

HE MĀTANGA WHAI TOHU, KUA RĒHITA HOKI NGĀ KAITAUWHIRO TĒRĀ KA:

**Whakahaere i ngā aromātai
pāpori ā-hinengaro, te tātari
me ngā mahi wawao**

e whai whakaaro torowhānui ana
ki te horopaki hauropi o te noho o
te tangata, me ōna taiao.

**Whakamahi pūkenga whanaungatanga
hōhonu, i roto i ngā take matatini
maha,**

e pā ana ki te haumarutanga, te
wairuatanga me te oranga o te
tangata, te whānau, me ngā hapori.

**Tautuhi me te whakatau i ngā take
pūmate, wharanga rānei,**

pēnei i te whakarekerekere me te
waranga, me te whakahau i te
kauawhitanga, te angitutanga whaiaro,
te toi whenua, te whanaungatanga
me te hononga ā-pāpori.

KA WHAKATIKA, KA WHAKAKAHA HOKI NGĀ KAITAUWHIRO I TE ORANGA ARONGANUI,
ME TE ORANGA PĀPORI MĀ TE:

**Whakanako me te whakakaha i te
āhei o te tangata ki te whakatau
me te whakahaere**

i ngā wero, ngā uauatanga me
ngā noho whakaraerae ka kite wheakotia
i ngā wā me ngā wāhi me uaua kē ka
panonihia.

**Āwhina i ngā tāngata e taumahatia
ana kia tū māia, kia urutau hoki**

i te ngākauruatanga, te mate me te
pōuritanga, me ētahi atu pānga, pēnei i te
uruwehi, te mohoaotanga, me te
anipātanga.

**Whakamahi i te whānuitanga o ngā tikanga
tauwhiro tanga ake hei whakahaere, hei
whakaatu hoki i te āhua**

noa ngā urupare kare-ā-roto,
me te tuku taunakitanga e whakarauora
ana anō i te oranga, me te āwhina i te
manawaroatanga o te tangata, te
whānau me ngā hāpori.

KA NGANA NGĀ KAITAUWHIRO KI TE AWEAWE I NGĀ TAKE RAWAKORE PAKEPAKE, TE KORE MANA TAURITE,
TE WHAKAREKEREKE, TE WHAKAHĀWEATANGA ME NGĀ HAPA MOROKI O NGĀ PŪNAHA PĀPORI MĀ TE:

Whakatau i ngā pānga whānui

pēnei i ngā pānga o mua o te tāmitanga, te
whakapākehātanga,
te whakatoihara ā-whakanōhanga, te
whakahāwinitanga, te whakarekerekere me
te aupēhitanga, tae atu ki ētahi
atu take whakatau hauora.

**Whakatara i ngā mahi whakahāwea,
te kore mana taurite me ngā take
tūkinō ā-pāpori i roto i ngā wāhi mahi,
me te iwi whānui.**

**Mahi tahi me ngā hāpori ki te
whakawhanake i ō rātou
ake whakataunga ki ngā take
kua tautuhia.**

Ka mahi rātou ki te aweawe i ngā
panonitanga i ngā taumata takitahi, ā-
whānau, ā-hapū, ā-iwi, ā-hapori, ā-
kāwanatanga hoki.

KA MAHI NGĀ KAITAUWHIRO I ROTO I NGĀ PEKA MAHI HUHUA O AOTEAROA PĒNEI I NGĀ:

**Rōpū ā-iwi Māori, ngā ratonga
hauora, tauwhiro, ture, tiaki
tamariki, ā, ka pūmau ki ngā
whakaritenga o te ture e pā ana ki
ēnei mahi katoa.**

**Ka whakamahia ō rātou pūkenga i ngā
take whānui, kaupapa maha,**

pēnei i te mahi ki te kiritaki takitahi, te
whakawhanaketanga hapori, te āta
tohutohu, te rangahau, te mātauranga, te
tiroiro, te huawaere, te taunakitanga, te
whakahaeretanga, te hanga kaupapa here,
me te kaiārahitanga.

**He tautōhito ngā Kaitauwhiro ki te
whakamahi i te huritao arohaehae
me te pātaitai,**

me te ū ki te tukanga o te ako tonu me
te whanaketanga tonutanga, tae atu ki te
haepapa ngaio, kia tukuna ai ngā ratonga
tino pai ka taea ki te tangata me ngā
hapori.